



Басты бет / Заңнама / Заңнама

Салық істері бойынша өзара әкімшілік көмек туралы конвенцияға өзгерістер енгізу туралы хаттамамен енгізілген түзетулері бар Салық істері бойынша өзара әкімшілік көмек туралы конвенцияны ратификациялау туралы

Қазақстан Республикасының Заңы 2014 жылғы 26 желтоқсандағы № 267-V ҚРЗ

Қайта оралу

Салық істері бойынша өзара әкімшілік көмек туралы конвенцияға өзгерістер енгізу туралы 2010 жылғы 27 мамырда Парижде жасалған хаттамамен енгізілген түзетулері бар Салық істері бойынша өзара әкімшілік көмек туралы 1988 жылғы 25 қаңтарда Страсбургте жасалған [конвенция](#) осы Заңға [1](#) және [2-қосымшаларға](#) сәйкес мәлімдемелермен және ескертпелермен қоса ратификациялансын.

Қазақстан Республикасының

Президенті

Н.Назарбаев

«Салық істері бойынша өзара әкімшілік көмек туралы конвенцияға өзгерістер енгізу туралы хаттамамен енгізілген түзетулері бар Салық істері бойынша өзара әкімшілік көмек туралы конвенцияны ратификациялау туралы»

2014 жылғы 26 желтоқсандағы

№ 267-V ҚРЗ Қазақстан Республикасының

Заңына

1-қосымша

Салық істері бойынша өзара әкімшілік көмек туралы конвенцияға

өзгерістер енгізу туралы хаттамамен енгізілген түзетулері бар

Салық істері бойынша өзара әкімшілік көмек туралы конвенцияға
мәлімдемелер

1. Қазақстан Республикасы Салық істері бойынша өзара әкімшілік көмек туралы конвенцияға өзгерістер енгізу туралы хаттамамен енгізілген түзетулері бар Салық істері бойынша өзара әкімшілік көмек туралы конвенция (бұдан әрі – Конвенция) соларға қатысты қолданылатын және Конвенцияның 2-бабының 2-тармағына сәйкес Конвенцияның А қосымшасына енгізілетін салықтар мыналар болып табылатынын мәлімдейді:

1) 2-бап, 1-тармақ, а) тармақша:

i) жеке табыс салығы;
корпоративтік табыс салығы;
әлеуметтік салық;

2) 2-бап, 1-тармақ, b) тармақша:

ii) әлеуметтік аударымдар;
міндетті зейнетақы жарналары;
міндетті кәсіптік зейнетақы жарналары;

3) 2-бап, 1-тармақ, b) тармақша:

iii) А. мүлік салығы;

4) 2-бап, 1-тармақ, b) тармақша:

iii) В. жер салығы;

5) 2-бап, 1-тармақ, b) тармақша:

iii) С. қосылған құн салығы;

6) 2-бап, 1-тармақ, b) тармақша:

iii) D. акциздер;

7) 2-бап, 1-тармақ, b) тармақша:

iii) Е. көлік құралы салығы;

8) 2-бап, 1-тармақ, b) тармақша:

iii) G. экспортқа рента салығы;

ойын бизнесі салығы;

жер қойнауын пайдаланушылардың арнаулы төлемдері мен салықтары;

бюджетке төленетін басқа да міндетті төлемдер.

2. Қазақстан Республикасы Конвенцияның 3-бабы 1-тармағының d) тармақшасына сәйкес Қазақстан Республикасына қатысты Конвенцияның В қосымшасында анықтамасы көрсетілген «құзыретті орган» деген терминмен Қазақстан Республикасының Қаржы министрлігі немесе оның уәкілетті өкілі түсінілетінін мәлімдейді.

3. Қазақстан Республикасы Конвенцияның 3-бабы 1-тармағының e) тармақшасына сәйкес Қазақстан Республикасына қатысты Конвенцияның С қосымшасында анықтамасы көрсетілген «ұлттық тұлғалар» деген терминмен мыналар түсінілетінін мәлімдейді:

1) Қазақстан Республикасының азаматтығы бар барлық жеке тұлғалар;

2) өз мәртебесін Қазақстан Республикасының заңдары негізінде алған барлық заңды тұлғалар, серіктестіктер немесе қауымдастықтар.

«Салық істері бойынша өзара әкімшілік көмек туралы конвенцияға өзгерістер енгізу туралы хаттамамен енгізілген түзетулері бар Салық істері бойынша өзара әкімшілік көмек туралы конвенцияны ратификациялау туралы»

2014 жылғы 26 желтоқсандағы

№ 267-V ҚРЗ Қазақстан Республикасының

Заңына

Салық істері бойынша өзара әкімшілік көмек туралы
конвенцияға
өзгерістер енгізу туралы хаттамамен енгізілген
түзетулері бар
Салық істері бойынша өзара әкімшілік көмек туралы
конвенцияға
ескертпелер

1. Қазақстан Республикасы Салық істері бойынша өзара әкімшілік көмек туралы конвенцияға өзгерістер енгізу туралы хаттамамен енгізілген түзетулері бар Салық істері бойынша өзара әкімшілік көмек туралы конвенцияның (бұдан әрі - Конвенция) 30-бабы [1-тармағының](#) а) тармақшасына сәйкес Конвенцияның А қосымшасына Қазақстан Республикасы енгізген салықтарды немесе бюджетке төленетін басқа да міндетті төлемдерді қоспағанда, басқа Тараптардың Конвенцияның 2-бабы [1-тармағының](#) б) тармақшасында тізілген салықтарының кез келген түрлеріне қатысты қандай да бір көмек көрсетпеу құқығын өзіне қалдырады.

2. Қазақстан Республикасы Конвенцияның 30-бабы [1-тармағының](#) б) тармақшасына сәйкес Конвенцияның 2-бабының [1-тармағында](#) тізілген салықтардың барлық түрлері үшін кез келген салықтық талапты орындау немесе әкімшілік айыппұлды өндіріп алу бойынша көмек көрсетпеу құқығын өзіне қалдырады.

3. Қазақстан Республикасы Конвенцияның 30-бабы [1-тармағының](#) с) тармақшасына сәйкес Қазақстан Республикасына қатысты Конвенция күшіне енген күнге немесе Қазақстан Республикасы Конвенцияның 30-бабы [1-тармағының](#) а) немесе б) тармақшаларына сәйкес жасалған ескертпені алып тастаған күнге қолданыстағы кез келген салықтық талапқа қатысты көмек көрсетпеу құқығын өзіне қалдырады.

ЭКОНОМИКАЛЫҚ ҮНТЫМАҚТАСТЫҚ ЖӘНЕ ДАМУ ҰЙЫМЫ

Қол қою туралы хаттама ҚАЗАҚСТАН
РЕСПУБЛИКАСЫ Салық істері бойынша өзара
әкімшілік көмек туралы конвенцияға өзгерістер енгізу
туралы хаттамамен енгізілген түзетулерімен Салық
істері бойынша өзара әкімшілік көмек туралы
конвенция

2013 жылғы 23 желтоқсанда Экономикалық ынтымақтастық және даму ұйымының (ЭЫДҰ) Париждегі штаб-пәтерінде Үкімет атынан өкілеттіктер берілген Қазақстан Республикасының Франция Республикасындағы Төтенше және Өкілетті Елшісі Нұрлан Даненов мырза мынаған қол қойды:

2010 жылғы 27 мамырда Парижде жасалған Салық істері бойынша өзара әкімшілік көмек туралы конвенцияға өзгерістер енгізу туралы хаттамамен енгізілген түзетулерімен 1988 жылғы 25 қаңтарда Страсбургте жасалған Салық істері бойынша өзара

Страсбургте жасалған салық істері бойынша өзара әкімшілік көмек туралы конвенция.

Осы Хаттаманы Құқықтық қатынастар директорының орынбасары Josee FECTEAU мырза біреуі ЭЫДҰ мұрағатында сақталатын және екіншісі Қазақстан Республикасының өкіліне жолданатын екі данада жасағанын және қол қойғанын растау үшін.

Құқықтық қатынастар директорының орынбасары
Josee FECTEAU мырза

Салық істері бойынша өзара әкімшілік көмек туралы конвенция

Мәтін 2011 жылғы 1 маусымда күшіне енген Салық істері бойынша өзара әкімшілік көмек туралы конвенцияға өзгерістер енгізу туралы хаттамасының ережелеріне сәйкес өзгертілді.

Кіріспе

Осы Конвенцияға қол қойған Еуропа Кеңесіне мүше мемлекеттер және Экономикалық ынтымақтастық пен даму ұйымына (ЭЫДҰ) мүше елдер,

адамдардың, капиталдардың, тауарлардың және көрсетілетін қызметтердің халықаралық қозғалысының дамуы - осы процестердің тиімділігіне қарамастан - салық салуды болдырмау және одан жалтару ықтималдығының өсуіне әкеп соққанын және сондықтан салық органдары арасындағы ынтымақтастықты нығайтуды талап ететінін ескере отырып;

салық салуды болдырмаумен және одан жалтарумен күресу үшін соңғы жылдары халықаралық деңгейде екі жақты, сол сияқты көпжақты негізде қолға алынған барлық жан-жақты күш-жігерді құптай отырып;

мемлекеттер арасындағы үйлесімді күш-жігер салық төлеушілердің құқықтарын тиісінше қорғауды бір мезгілде қамтамасыз ете отырып, кез келген түрдегі салықтарды алу мәселелерінде әкімшілік көмектің барлық нысандарын дамыту мақсаттарында қажеттілік болып табылатындығын ескере отырып;

халықаралық ынтымақтастық салықтық жауапкершілікті тиісінше анықтау кезінде жәрдемдесуде және салық төлеушіге оның құқықтарын қамтамасыз етуде кезінде көмек көрсетуде маңызды рөл атқаруы мүмкін екендігін тани отырып;

әрбір адамға заңда белгіленген тәртіпке сәйкес айқындалған құқықтарға ие болу және міндеттерді атқару қабілетін беретін негізгі қағидаттар барлық мемлекеттерде салық мәселелері бойынша қолданылатын ретінде танылуға тиіс екендігін және мемлекет кемсітушілік пен қосарланған салық салудан тиісті қорғауды қоса алғанда, салық төлеушілердің заңды мүдделерін қорғау жөнінде күш-жігерін салуға тиіс екенін ескере отырып;

осыған байланысты, Мемлекеттер ақпараттың құпиялылығын қорғау қажеттігін назарға ала отырып және жеке өмірді қорғаудың халықаралық құралдарының күшін және жеке деректерді пайдалануды ескере отырып, шараларды жүзеге асыруға және ақпаратты беруге тиіс екендігіне кәміл сеніп;

ынтымақтасудың жаңа шарттары туындағанын және ынтымақтасудың жаңа шарттарынан пайда алу және сонымен

бірге салық саласында өзара іс-қимыл жасаудың ең жоғары халықаралық стандарттарын енгізу үшін Мемлекеттердің қалың тобына қолжетімді сан қырлы құрал жасау ниеті бар екендігін ескере отырып;

Салық істері бойынша өзара әкімшілік көмек туралы конвенция жасасуға ниет білдіре отырып,
төмендегілер туралы келісті:

I ТАРАУ. КОНВЕНЦИЯНЫҢ ҚОЛДАНЫЛУ САЛАСЫ

1-бап

Конвенцияның мақсаты және ол қолданылатын тұлғалар

1. Тараптар [IV тараудың](#) ережелеріне сәйкес, салық істері бойынша бір-біріне әкімшілік көмек көрсетеді. Мұндай көмек қажет болған кезде сот органдары қолданатын шараларды көздеуі мүмкін.

2. Мұндай әкімшілік көмек:

- a) бір мезгілде салықтық тексерулерді жүргізуді және шетелде салықтық тексерулерге қатысуды қамтитын ақпарат алмасудан;
- b) қамтамасыз ету шараларын қабылдауды қоса алғанда, салықтарды алу бойынша көмектен; және
- c) құжаттарды жіберуден тұрады.

3. Тарап тиісті тұлға Тараптың немесе кез келген өзге мемлекеттің резиденті не ұлттық тұлғасы болып табылатындығына не табылмайтындығына қарамастан әкімшілік көмек көрсетеді.

2-бап

Конвенция қамтитын салықтар

1. Конвенция:

a) мынадай салықтарға:

- i) табысқа немесе пайдаға салынатын салықтарға,
 - ii) табыс пен пайдаға салынатын салықтан бөлек белгіленген капиталдың өсіміне салынатын салықтарға,
 - iii) Тарап белгілеген таза активтерге салынатын салықтарға;
- және

b) мынадай салықтарға:

- i) Тараптың мемлекеттік құрылымдарының немесе жергілікті билік органдарының атынан белгіленген табысқа, пайдаға, капиталдың өсіміне немесе таза активтерге салынатын салықтарға,

ii) орталық үкіметке не жария құқыққа сәйкес құрылған әлеуметтік қорғау мекемелеріне төленетін әлеуметтік қорғауға арналған міндетті жарналарға,

iii) Тарап белгілеген кедендік баждарды қоспағанда, салықтардың өзге түрлеріне, атап айтқанда:

- A. мүлікке, мұраға немесе сыйға салынатын салықтарға,
- B. жылжымайтын мүлікке салынатын салықтарға,
- C. қосылған құн салығы немесе сатудан алынатын салық сияқты тұтынуға салынатын жалпы салықтарға,
- D. акциздер сияқты тауарлар мен көрсетілетін қызметтерге салынатын арнайы салықтарға,
- E. автокөлік құралдарын пайдалануға немесе иеленуге салынатын салықтарға,